



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

De Baptismo.

[urn:nbn:de:hbz:466:1-74413](#)

Observare etiam opus est, Autorem potuisse usurpare verbum *Offerre*, pro *Administrare*; sed, si res ita habearet, cur exigit Reg. X. eum, qui offert, jejunum esse; quandōquidem pransi Communionem dare possunt, & ea sibi datur agrotis, non solum post Prandium, sed etiam post Cenam? Cur tot collegisset Quæst. III. Textus, qui loquuntur de Oblatione Deo facta? Regulae loquentes de Consecratione Eucharistiae, de Elevatione Hostie, de Cestatione Missae die Parasceves; nonne hanc Oblationem respiciunt?

Primum exemplorum promissorum occurrit in Reg. I. hujus Quæst. antè Observationem hanc exposita; nam Autor videtur applicavisse Sacrificio Canonem, qui loquitur de Sacramento.

Aliud extat in Reg. XI. quæ malum Ministrum respicit, qui semper validè offert, non obstante pravitate suâ: pravus autem, qui accipit Eucharistiam; eam semper accipit sine fructu, quem in bonis operatur.

Quoad Reg. XII. ea aliundè peccat; nam dicendo, Hæreticos non debere accipere Sacramentum, sub Titulo, *Quis offerre & accipere Sacramentum debet*, insinuat, Hæreticos debere offerre Sacrificium.

QUÆSTIO III.

Regula XII. quæ est *Prima* hujus Quæst. nimùm generalis est; fert enim, omnes, generaliter loquendo, offerre, & accipere debere: quod falsum est erga eos, qui non sunt Sacerdotes, aut non sunt baptizati. Inter *Novem Exceptiones*, quædam non habent locum in iis, qui offerunt; nempe, ut non sint Comœdi; ut abstinerint ab usu Matrimonii die præcedente; ut non habeant impuritatem corporis, cui sexus est obnoxius. Si, per *Interdictum*, intelligatur suspensio, cui Laici non subjecti; pars Exceptionis I. quæ loquitur de *Interdictis*, Communiantum vulgo non convenit, sed pecularis est Sacerdotibus, qui à Celebratione Missæ suspensi esse possunt.

Quæst. IV. *Quid, & Quantum offerendum, & sumendum.*

Novem REGULÆ hujus Quæstionis, quævis extensæ ad Communionem, non convenienter ei, qui offert, qui tenetur offerre panem & vīnum aquā mixtum; nihil aliud offerre; non offerre panem fermentatum; non offerre uvas; sive separatas, sive mixtas cum vīno; non offerre lac pro vīno, nec panem vīno madidum; non offerre panem siccæ vīno & aquæ; offerre unicam Hostiam pro se, pro ceteris autem totidem, quot Plebi necessaria sunt. Hæ Regulae incipiunt à Reg. XIV. & clauduntur per XXI.

Quæst. V. *Expositio EUCHARISTIAE & verborum ejus.*

Regula XXII. & REG. XXV. & XXVI. sibi mutuam lucem afferunt, & docent, Corpus JESU CHRISTI non comedi carnaliter, prout est in seipso, sed spiritualliter, prout est sub Speciebus, que eum non continent sub propriâ formâ. Alia est manducatio spiritualis; ea nempe, quæ fit per fidem junctam desiderio communicandi. Vide Textus ab Autore laudatos, Dist. II. de *Consecr.* ubi plures alii reperiuntur, qui res easdem docent.

Reg. XXIII. exponit XXIV. quod enim dicit, de vīno aquâ diluto, illud transubstantiari in Sanguinem JESU CHRISTI, docet, panem transubstantiari in Corpus ejus. Itaque, post Consecrationem, Substantia panis non offertur; sed ejus Species, ut dicitur in REG. XXIV.

Quæst. VI. *Modus offerendi, & accipiendi EUCHARISTIAM; Antecedentia, & Adjuncta.*

Hic Sermo fit de de Dispositionibus ad offerendum & accipiendum Eucharistiam; quarum alia peculiares sunt Communioni; putâ continentia conjugalis; quæ Conjugatis non Sacerdotibus convenit: alia, Sacramento & Sacrificio communes sunt: nempe, probatio congrua, remissio contumeliarum, puritas Corporis & Cordis:

Quadam Regulae aliud respiciunt, quæm has dispositiones: nempe, Adorationem Hostie in ejus Elevatione, quo pertinet ad Oblationem Eucharistiae Deo, non verò ad Administrationem ipsius Communicantibus; item qualitatem Vasorum, in quibus Eucharistiam offerre oportet; Venerationem, quæ illi debetur, cum ad agros defertur.

Quæst. VII. *Quando, & quoties offerendum, & sumendum sit.*

Reg. XXXVI. & XL. dicunt, Ter in unoquoque anno communicandum esse, in Paschate, Pentecoste, & in Natali Domini. Reg. XXXVIII. XXXIX. XL. approbant Communionem Die Cenæ Domini, Diebus Dominicis, & Quotidianam. Reg. XLII. Sacerdoti præcipit, ut communiceat totiis, quoties Missam celebret. Reg. XXXVII. vetat, Missam dici duabus diebus Pascha præcedentibus. Hæ duas Regulae offendunt, Autorem loqui de Oblatione Eucharistiae, que fit Deo, & non simpliciter de presentatione, quæ fit Communicantibus. Quid dicit de Missa non celebranda Sabato Sancto, non est in usu.

Quæst. VIII. *Consectaria Eucharistie.*

Hic loquitur 1. de reliquiis Specierum consecratarum, quæ consumenda sunt à Ministris, qui aliquamdiu à cibo abstinerere debent post consumptionem, ne facra misceatur esca; cum alimentis profanis, REGULÆ XLII. & XLVI. Legendum est, in hac *Jejunio* præjurejmando, Dist. XXIII. de *Consecr. Can. 1.*

2. De Oratione, quæ sequitur Oblationem, & de pæce, quæ danda est post hanc. Reg. XLIV. XLV. ostendunt, Autorem loqui de Oblatione Deo factâ. 3. De pena ejus, qui Sanguinem effundit, & illius, qui Eucharistiam præebrietate evomit, Reg. XLVII. XLVIII. & de pena eorum, qui non communicant Reg. LXI. 4. de ejus effectibus, qui sunt, operari remissionem peccatorum in iis, qui aliquot omiserunt in Confessione, aut confiteri non potuerunt, animam Deo conglutinare; non verò CHRISTUM in Corpus convertere, quæ in re discrepat ab aliis cibis, quæ convertuntur in substantiam Corporis; benedicere Deo; evenerere in Celum Reg. XLIX. LIII. LIV. LV.

5. De ejus prærogativis; esse Commemorationem Passionis Dominica & non iterationem ipsius; significare Immolationem Corporis & Sanguinis CHRISTI, & sub singulis partium suarum, CHRISTUM totum continere, Reg. L. LI. LII.

En omnes Regulae hujus Quæstionis, quæ ordinem hunc accipere debuissent.

DE BAPTISMO.

Tertia & postrema Pars hujus Capitis respicit Baptismum; cuius Argumentum dividitur in Quæstiones IX. videlicet 1. Baptismus in genere, Substantia, necessitas, atque effectus ejus. 2. Ii, quibus ille administrandus est; 3. Quis eum conferre debet; 4. Ubi. 5. Quando. 6. Antecedentia. 7. Modus conferendi & Adjuncta. 8. Consectaria. 9. Figura, quæ magis ad illum accessit. Ordo & consilium hoc bona sunt: secus est interdum de executione.

QUÆSTIO I.

Exordiri debuisset à Regulis, quæ substantiam Baptismi respiciunt; nempe *Decima & Undecima*, quæ dicunt, Baptismum tribus rebus componi, aqua, verbo, & spiritu: prior est materia: altera, est forma; Tertia, causa præcipua, quæ eum efficacem facit; tūm pergere ad dispositiones, quibuscum accipiendus est, quarum præcipua, est voluntas eum accipiendi: nam sine hāc nullus est; alia necessaria non sunt, nisi quoad effectus, qui eas sequi debebant, velut earum factus ipsis proportionati. Harum dispositionum nobilior est pœnitentia, fine quā nulla est peccati remissio; & cùm Fides, Spes, & Charitas in pœnitentiā contingantur; illæ etiam sunt ex earum dispositionum numero. Effectus, quorum mentionem facit Autor, sunt 1. Remittere Peccatum Originale, & Peccata Actualia. REGULA II. 2. Baptismum in virum coelestem mutare Reg. III. 3. cum CHRISTO incorporare Reg. IV. 4. Ei conferre gratiam maiorem, aut minorem, pro variis Recipientium dispositionibus Reg. V. Quod dicitur deinceps gratiam hanc creceré aut decrescere, non pertinet ad Baptismum; 5. Minuere Diaboli potestatem erga Baptismum Reg. VI. 6. Concupiscentiam debilitare Reg. VII. Autor omisit Caracterem, qui est etiam effectus Baptismi. Quod legitur in *Ottava*, Baptismum non accipere magis nec minus, restringi debet per hanc Clauſulam, ex Parte Ministri, quæ sumitur ex *Can. 47. Dist. IV. de Consecr.* ubi S. AUGUSTINUS dicit, dignitatem, excellentiam, zelum, & eminentiam scientiæ, prudentie, aliarumque virtutum Ministri, non augere effectum Baptismi. Reg. IX. loquitur de necessitate Baptismi, & quatuor Casus excipit: *Primus* est, cùm Fides supplevit Baptismo, qui accipi non potuit; votum hujus adjiciendum erat Fidei. *Secondus*, quo Deus interius baptisat, quod hominibus valde ignotum est: *Tertius & Quartus* sunt Casus Martyrii & voti, seu desiderii Baptismatis, quandò hoc recipi non potest. Hic postremus casus, idem est, ac primus. Textus laudati *ibid.* eumdem Autorem habent S. AUGUSTINUM in Libris de Baptismo, nempe *Can. 34. & 149. Dist. IV. de Consecr.*

Ex Exceptionibus IX. quæ leguntur in *Regula II.* & quæ primum effectum Baptismi respiciunt, plures ad rem non faciunt, scilicet, *Prima*, sumpta ex Baptismo *Joannis*: hic enim agitur de Baptismo CHRISTI. *Quarta* sumpta ex infidelitate, aliove peccato posteriori. *Septima* sumpta ex eo, quod Baptismus datus sit extra Ecclesiam, falsa est: alia trahuntur ex defectu dispositionum requisitarum, quas hujus *Quæst.* principio observavimus. Quod dicitur in *Regula I.* pertinet ad necessitatem Baptismi, de quā consułtum agitur in *Reg. IX. Reg. XII. circa punitionem Sacerdotis*, qui Baptismum denegat, pertinet ad *Quæst. VIII.* quæ loquitur de pœnis delictorum ratione Baptismi commislorum.

REG. XIII. pertinet ad *Quæst. VII.* nam vasculum, quo aqua super Baptisandum effunditur, pertinet ad formam baptisandi.

QUÆSTIO II.

Quinque hujus *Quæst.* REGULÆ circa eos, qui baptisandi sunt, indicant solum Textus, qui de Argumento singulorum loquuntur; omnes esse baptisandos tam Infantes, quam Adultos, sive扇os, sive ægros; & quid faciendum sit erga furiosos, eos qui dormiunt, aut baptisari nolunt, & erga malos.

Quod dictum fuit supra, respicit Adultos, erga quos, sicut erga Infantes, nullum est à multis Sæculis tempus determinatum: fatui, si tales sint à nativitate, aut ab infantia, ejusdem sunt conditionis, ac pueri: si tales sint ex casu infantia posteriori, & se Baptismum cupere anteà significaverint, baptisari possunt durante hac ægritudine. Idem est de iis, qui dormiunt, qui validè baptisantur, si antè somnum

id optaverint. Qui coacti aut inviti baptisantur, nequidem Caracterem accipiunt; sed si Baptismum accipiunt ob metum, validus est Baptismus, sed fructu caret, ob perversam intentionem Baptisatorum.

QUÆSTIO III. I V. V. VI.

Jus baptisandi solemniter ad solos Episcopum, Presbyterum, & Diaconum pertinet; verum hic non potest nec debet id facere, nisi deficiente Presbytero Curato. Sacerdos olim non potuit, Episcopo præfente, nisi ex hujus consensu. Hæretici, & alii quilibet Peccatores, non baptisant licet; sed eorum Baptismus validus est, modò factus fuerit juxta formam ad validitatem requisitam.

Quod dicitur in *Quæst. IV. V. VI.* circa locum, tempus, & solemnitates, non respicit validitatem. Iis Ministri se conformare debent, quamdiu vigent Ecclesiæ Leges, que ea præcipiunt; tales sunt 1. non baptisare solemniter in domibus privatis, nec in Monasteriis, sed tantum in Parochia Baptisandorum. 2. Rogantes, ejus Parochiæ consenserunt, in quā Baptismum poscunt. Secundus est de Regulis, quæ respiciunt tempus, & de iis, quæ Baptismi antecedentia præstituunt; exceptis doctrinâ, & probatione arbitrariâ, quoad qualitatem & durationem temporis. Pœnitentia ad Baptismum requisita, est Pœnitentia virtus, & non Pœnitentia Sacramentum, quæ Baptisatis est peculiaris. Illa Regulæ exoleverunt.

Regula XL. & XLI. pertinent ad *Quæst. 6.* certo enim tempore antè Baptismum is, qui Baptismum petebat, dare suum nomen debebat; etiam, antè Baptismum aquâ benedicuntur. *Reg. LIV.* que indicat Textus, qui exponunt Exorcismos & Exsufflationes, subiicienda erat *XLII.* quæ loquitur de Exorcismis. *Reg. XLV.* sola est in *Quæst. VII.* proposita, quæ loquitur de re Baptismo substantiali; nempe, de Invocatione Sanctæ Trinitatis. Alia Regulæ respiciunt ceremonias mere accidentales; nempe Patrinos, sponsonem Baptisati, Exorcismos, renuntiationem Dæmoni &c. Orationes quæ super eum funduntur; ceremonias Salis benedicti, Saliva Unctionis.

Quod *Reg. LII.* dicit de Unctione super frontem, respicit Confirmationem, saltem ex multis sculis. Idem est de *Reg. LVII.* quæ est in *Quæst. VIII.* sub quā alia non occurunt Regulæ attentione dignæ; nisi *LX. & LXI.* quæ Baptismi iterationem spectant.

LX. quæ dicit, Baptismum non esse iterandum, (quod de Baptismo valido ac certo intelligendum est) XV. Exceptiones continet, quarum multæ aut ex verrâ aut ex speciosa nullitate Baptismi desumptæ sunt. Inter eas Exceptiones, *Sex* ab Autore rejiciuntur, & *Dua* præterea reprobari debuissent. Sumuntur ex eo, quod, vel omisla fuit tripla immersio, vel adhibita aqua non consecrata. Exceptiones legitimæ, sunt, sibi ipsi Baptismum contulisse, omisisse id, quod substantiale est, vel partem ejus. v. gr. Invocationem Sanctæ Trinitatis, vel hæc verba, *Ego te baptizo*, quæ ab ALEXANDRO III. definita sunt, esse necessaria ad validitatem Baptismi, dubitare rationabiliter de existentiâ aut validitate Baptismi: his in casibus Baptismus non iteratur, vel quia nullus fuit Baptismus, vel quia justa est suspicio nullitatis; & tunc securior pars est amplectenda. Alia Exceptiones desumptæ sunt ex spuriis nullitatibus suprà observatis.

Reg. LXI. indicat Textum, qui loquitur de pena iterationis damnatae in *LX.* Nulla est, quæ damnationis hujus rationem afferat, desumptam ex Caracterे per Baptismum producto. Circum has Regulas immorari coacti fuimus, ob defectum ordinis inter Exceptiones *Reg. LX.* ejusque vitia.

PARS IV. & V. CAP. V. De CONFIRMATIONE
& Sancto CHRISMATE.

Quod dicitur de Confirmatione, non sufficit ad crudendum circa hoc Sacramentum; Nihil enim traditur